

明
史

八四



明史卷三百七

列傳第一百九十五

總裁官總事務經筵講官保篆李太保篆殿學兼管纂部部嘗書奏表級張廷玉篆

敕修

佞倖

漢史所載佞倖如籍孺閔孺鄧通韓嫣李延年董賢張放之屬皆以宦寺弄臣貽譏千古未聞以武夫健兒貪人酷吏方技雜流任親暱承寵渥於不衰者也明興創設錦衣衛典親軍暱居肘腋成祖卽位知人不附已欲以威讐天下特任紀綱爲錦衣寄耳目綱刺廷臣陰事以希上指帝以爲忠被殘殺者不可勝數英宗時門達

遂果之徒並見親信至其後廠衛遂相表裏清流之禍
酷焉憲宗之世李孜省僧繼曉以祈禱被寵任萬安尹
直彭華等至因之以得高位武宗日事般遊不恤國事
一時宵人並起錢寧以錦衣幸臧賢以伶人幸江彬許
泰以邊將幸馬昂以女弟幸禍流中外宗社幾墟世宗
入繼大統宜矯前軌乃任陸炳於從龍寵郭勛於議禮
而一時方士如陶仲文邵元節藍道行之輩紛然並進
玉杯牛帛詐妄滋興凡此諸人口銜天憲威福在手天
下士大夫靡然從風雖以成祖世宗之英武聰察而嬖
倖釀亂幾與昏庸失道之主同其蒙蔽彼第以親已爲

可信而孰知其害之至於此也至顧可學盛端明朱隆
禧之屬皆起家甲科致位通顯乃以秘術干榮爲世戮
笑此亦伎倖之尤者附之篇末用以示戒云

紀 綱

門 達

逢 呆

李孜省

繼 曉

江 彬

許 泰

錢 寧

陸 炳

邵元節

陶仲文

顧可學

盛 端 明 等

紀綱臨邑人爲諸生燕王起兵過其縣綱叩馬請自效
王與語說之綱善騎射便辟詭黠善鈎人意嚮王大愛

幸授忠義衛千戶旣卽帝位擢錦衣衛指揮使令典親軍司詔獄都御史陳瑛滅建文朝忠臣數十族親屬被戮者數萬人綱覘帝旨廣布校尉日摘臣民陰事帝悉下綱治深文誣訛帝以爲忠親之若肺腑擢都指揮僉事仍掌錦衣綱用指揮莊敬袁江千戶王謙李春等爲羽翼誣逮浙江按察使周新致之死帝所怒內侍及武臣下綱論死輒將至家洗沐好飲食之陽爲言見上必請赦若罪誘取金帛且盡忽刑於市數使家人僞爲詔下諸方鹽場勒鹽四百餘萬還復稱詔奪官船二十牛車四百輛載入私第弗予直構陷大賈數十百家罄其

資乃已詐取交趾使珍奇奪吏民田宅籍故晉王吳王乾沒金寶無算得王冠服服之高坐置酒命優童奏樂奉觴呼萬歲器物僭乘輿欲買一女道士爲妾都督薛祿先得之遇祿大內掘其首腦裂幾死恚都指揮啞失帖木不避道誣以冒賞事捶殺之腐良家子數百人充左右詔選妃嬪試可令暫出待年綱私納其尤者吳中故大豪沈萬三洪武時籍沒所漏貲尙富其子文度蒲伏見綱進黃金及龍角龍文被奇寶異錦願得爲門下歲時供奉綱乃令文度求索吳中好女文度因挾綱勢什五而中分之綱又多蓄亡命造刀甲弓弩萬計端午

帝射柳綱屬鎮撫龐瑛曰我故射不中若折柳鼓譟以覘衆意瑛如其言無敢糾者綱喜曰是無能難我矣遂謀不軌十四年七月內侍讐綱者發其罪命給事御史廷劾下都察院按治具有狀卽日磔綱於市家屬無少長皆戍邊列罪狀頒示天下其黨敬江謙春瑛等誅謫有差

門達豐潤人襲父職爲錦衣衛百戶性機警沉鷙正統末進千戶理鎮撫司刑久之遷指揮僉事坐累解職景泰七年復故官佐理衛事兼鎮撫理刑天順改元與奪門功進指揮同知旋進指揮使專任理刑千戶謝通者

浙江人也佐達理司事用法仁恕達倚信之重獄多平
反有罪者以下禁獄爲幸朝士翕然稱達賢然是時英
宗慮廷臣黨比欲知外事倚錦衣官校爲耳目由是逮
吳得大幸達反爲之用遂吳者安平人也以錦衣衛校
尉爲達及指揮劉敬腹心從奪門帝大治奸黨吳縛錦
衣百戶楊瑛指爲張永親屬又執千戶劉勤於朝奏其
訕上兩人並坐誅用楊善薦授本衛百戶以捕妖賊功
進副千戶又用曹吉祥薦擢指揮僉事帝以吳強鷺委
任之吳乃摭羣臣細故以稱帝旨英國公張懋太平侯
張瑾外戚會昌侯孫繼宗兄弟並侵官田吳劾奏還其

田於官懋等皆服罪乃已石亨恃寵不法帝漸惡之果
卽伺其陰事亨從子彪有罪下獄命果赴大同械其黨
都指揮朱諒等七十六人果因發彪弟慶他罪連及者
皆坐果進指揮同知明年復奏亨怨望懷不軌亨下獄
死有詔盡革奪門功達果言臣等俱特恩非以亨故帝
優詔留任以果發亨奸益加倚重果益發舒勢出達上
白遣校尉偵事四方文武大吏富家高門多進伎樂貨
賄以祈免親藩郡王亦然無賄者輒執送達鍛鍊成獄
天下朝覲官大半被譖逮一人數大家立破四方奸民
詐稱校尉乘傳縱橫無所忌彭城伯張瑾以葬妻稱疾

不朝而與諸公侯飲私第杲劾奏幾得重罪杲所遣校尉誣寧府弋陽王奠燭母子亂帝遣官往勘事已白寧王奠培等亦言無左驗帝怒責杲杲執如初帝竟賜奠燭母子死方昇尸出大雷雨平地水數尺人咸以爲冤指揮使李斌嘗構殺弘農衛千戶陳安爲安家所訴下巡按御史邢宥覆讞石亨囑宥薄斌罪至是校尉言斌素藏妖書謂其弟健當有大位欲陰結外番爲石亨報讐杲以聞下錦衣獄達坐斌謀反帝兩命廷臣會訊畏杲不敢平反斌兄弟寘極刑坐死者二十八人杲本由石亨曹吉祥進訐亨致死復奏吉祥及其從子欽陰事

吉祥欽大恨五年七月欽反入杲第斬之取其首以去事平贈杲指揮使給其子指揮僉事俸時達已掌衛事仍兼理刑杲被殺達以守衛功進都指揮僉事初杲給事達左右及得志恣甚達怒力逐之杲旋復官欲傾達達惴惴不敢縱杲死達勢遂張欲踵杲所爲益布旗校於四方告訐者日盛中外重足立帝益以爲能外戚都指揮孫紹宗及軍士六十七人旨討曹欽功達發其事紹宗被責讓餘悉下獄盜竊戶部山西司庫金巡城御史徐茂効郎中趙昌主事王珪徐源疎縱達治其事皆下獄謫官達以囚多獄舍少不能容請城西武邑庫隙

地增置之報可御史樊英主事鄭瑛犯贓罪給事中趙忠等報不以實達劾其徇私亦下獄謫官給事中程萬里等五人直登聞鼓有軍士妻憇冤會齋戒不爲奏達劾諸人蒙蔽詔下達治已劾南京戶部侍郎馬諒左都御史石璞掌前府忻城伯趙榮都督同知范雄張斌老贊皆罷去裕州民奏知州秦永昌衣黃衣閱兵帝怒命達遣官覈籍其貲戮永昌榜示天下并逮布政使侯臣按察使吳中以下及先後巡按御史吳琬等四人下獄臣等停俸玘等謫縣丞御史李蕃按宣府或告蕃擅撻軍職用軍容迎送御史楊璡按遼東韓琪按山西校尉

言其妄作威福皆下達治蕃琪竝荷校死陝西督儲參政婁良湖廣參議李孟芳陝西按察使錢博福建僉事包瑛陝西僉事李觀四川巡按田斌雲南巡按張祚清軍御史程萬鍾及刑部郎中馮維孫瓊員外郎貝鋗給事中黃甄皆爲校尉所發下獄瑛守官無玷不勝憤自縊死其他多遣戍湖廣諸生馬雲罪黜詐稱錦衣鎮撫奉命葬親布政使孫毓等八人咸賄祭事覺法司請逮問卒不罪雲達初欲行督責之術其同列呂貴曰武臣不易犯曹欽可鑒也獨文吏易裁耳達以爲然故文吏禍尤酷都指揮袁彬恃帝舊恩不爲達下達深銜之廉

知彬妾父千戶王欽誑人財奏請下彬獄論贖徒還職
有趙安者初爲錦衣力士役於彬後謫戍鐵嶺衛赦還
改府軍前衛有罪下詔獄達坐安改補府軍由彬請託
故乃復捕彬榜掠誣彬受石亨曹欽賄用官木爲私第
索內官督工者輒瓦奪人子女爲妾諸罪名軍匠楊墳
不平擊登聞鼓爲彬訟冤語侵達詔并下達治當是時
達害大學士李賢寵又數規已嘗譖於帝言賢受陸瑜
金酬以尚書帝疑之不下詔者半載至是拷掠墳教以
引賢墳卽謬曰此李學士導我也達大喜立奏聞請法
司會鞠墳午門外帝遣中官裴當監視達欲執賢并訊

當曰大臣不可辱乃止及訊塙曰吾小人何由見李學士此門錦衣教我達色沮不能言彬亦歷數達納賄狀法司畏達不敢聞坐彬絞輸贖塙斬帝命彬贖畢調南京錦衣而禁錮塙明年帝疾篤達知東宮局丞王綸必柄用預爲結納無何憲宗嗣位綸敗達坐調貴州都勦衛帶俸差操甫行言官交章論其罪命逮治論斬繫獄沒其貲鉅萬指揮張山同謀殺人罪如之子序班升從子千戶清壻指揮楊觀及其黨都指揮牛循等九人謫戍降調有差後當審錄命貸達發廣西南丹衛充軍死李孜省南昌人以布政司吏待選京職贓事發匿不歸

時憲宗好方術孜省乃學五雷法厚結中官梁芳錢義
以符籙進成化十五年特旨授太常丞御史楊守隨給
事中李俊等劾孜省贓吏不宜典祭祀乃改上林苑監
永日寵幸賜金冠法劍及印章二許密封奏請益獻淫
邪方術與芳等表裏爲奸漸干預政事十七年擢右通
政寄俸本司仍掌監事同官王景輕之不加禮孜省譖
景左遷太僕少卿故事寄俸官不得預郊壇分獻帝特
以命孜省廷臣懲景事無敢執奏者初帝踐位甫踰月
卽命中官傳旨用工人爲文思院副使自後相繼不絕
一傳旨姓名至百十人時謂之傳奉官文武僧道濫恩